

YAKOBO Ovoli Kĩ Yakobo Tselɛ

^I Ovoli kĩ to yĩ, Yakobo, Baguma mo boe ɔlate Yesu Kristo ɔsumune sekẽ. Ntselɛ ye mama Yuda futete ewua-nviã a kĩ begba biko ne katinya kame flee a.

Katekado Mo Nyansã.

^{II} Nwaẽ amɛ, nte miwo ne sohuiɛ ahɔlo ahɔlo kame malo ni, mite foe mo kawɔle baũ,

^{III} kitonekĩ minyina kĩ nte besɔ mi katekado bedã ni, fɔafɔ miana kadza pintii mo ɔwɔle kado.

^{IV} Mifɔ mi kadza pintii a kenye ke akũ ne mi lekɛnana kame, ayekĩ míanya bati kĩ be ɔbla kpɔla flee, kĩ beláabuki bisĩ letsama.

^V Leme nte mi kame odi sĩ nyansã ni, kene kĩ evia Baguma, yaakpa ye, kitonekĩ Baguma akena seme kale faa kakpa odi nye odi fɔtsa kĩ yaádã oti anɛ.

^{VI} Leme nte yabɔa mpae ni, kene kĩ ete edo, kĩ etate atsindze ne ye kame. Odi nye odi kĩ yate atsindze ne ye kame ni, ela nde mpo anɛ mui kpale kĩ ɔwe abɔa kato katɛmena.

^{VII-VIII} Oti a na odu kĩ ye adzuni adani moatse moatse, kĩ yaápuli kasipi ne letsa a kĩ yakena a akũ ni, etakona kĩ yaana litsedi etomena boe ɔlate sekẽ.

Ohiã Mo Akũ Kana.

^{IX} Okristoni ohiãni a kĩ Baguma dɛla ne ode ni, kene kĩ epia ye akũ.

X Ade ayea okristoni osikani kī Baguma kena ne kayo ni, kene kī ye malo epia akū. Kitonekī osikani nkpā aayatē nde ayekī fōgbangbā akpalē kato a.

XI Nte suwa de seta kooba ni, sapila tuwī tave, te fōgbangbā a akpalē kato loko a tuwī a kale ayela flefle. Ade aye osikani leme aakapilipili ne ye tudzuma kame flee eyaaku a.

Sohuie Mo Ohau Kame Katsā.

XII Baguma hila oti a kī epuli edo owole ne sohuie kame. Nte epuli enya sohuie a akū ni, Baguma aakpa ye nkpā a kī ele eyi ekpa bati a kī bawe ye kale a.

XIII Nte odi wo ne sohuie kame ni, etale kī, “Baguma sekē sohuie kī to.” Kitonekī odima lelāapuli eso Baguma edā kī ekena tokpa, ade ye moawe a leme yaaso odima kadā a.

XIV Mbom oti moawe sukena fowetsa ake ye, kavele ye kado ne sohuie kame.

XV Loko a oti sukena fowetsa a atsamō koma kama tokpa, ade nte tokpa a bo ane ni, tama wuda.

Baguma Sekē Fōtsa Wī Flee Ato.

XVI Nwaē ame kī maátuno kale, mitafō odima leke mi.

XVII Futetsa wī flee mo futelitsa a kī fōkpola a fudi nye fudi to ode. Foe flee futo Baguma a kī leboa ode tesedza a sekē. Enye oti kī yaādani ade letsama leme lādani otū ne ye akū a.

XVIII Baguma koa ye moawe kawe etsā onokoali kale a akū, ema boe kī bona ye fōtsa a kī eboa flee a kame otonyade.

Kale Wĩ a Kanu Mɔ Ke Akũ Kakena.

XIX Nwaẽ amɛ kĩ maátunɔ kale, mite anɛ nɛ fɔletsɔ kĩ akũ! Odi nyɛ odi etse fɔletsɔ mɔatse, lemɛ etawe sɔwa ɛɛ kodzela mɔatse mɔatse ãye ɛna kalɔkpa mɔatse mɔatse.

XX Kitonɛkĩ oti kalɔkpa láfɔ yakena tuwĩ a kĩ Baguma awɛ kĩ ɛkena a.

XXI Foesũ mifɔnɛ obla kĩ yado efĩ mɔ ablo kakena flee awɛ. Midɔla mi akũ mikpa Baguma, ayekĩ míapuli mite ye kale a kĩ edu nɛ mi towɔɔɛ kame a, kĩ kaafɔ mina nkpã kate a.

XXII Mitakatse Kale Wĩ a kekɛ mikɔa mikake mi akũ, mbom mikena nɛ ke akũ.

XXIII Odi nyɛ odi kĩ yatse kale a lemɛ yaákena nɛ ke akũ ni, ɛla ndɛ oti kĩ ɛdã ahuhɔɛ kame ɛmó ye akũ ndɛ ayekĩ ɛla a.

XXIV Yadã ye akũ, lemɛ mɔ ye kadzakũ pɛ ɛla ayekĩ ɛla a.

XXV Lemɛ oti a kĩ yadã mbla a kĩ ɛkpɔla a, kĩ yakpa bati akũ akũ kadzi, mɔ yakena nɛ ye akũ a, kĩ ɛnyé oti kĩ yatse kale a kekɛ kalela ke a ni, Baguma aahila ye nɛ letsɔ nyɛ letsɔ kĩ yakena a kame.

XXVI Nte odi kɔna kĩ yasum Baguma lemɛ yaápuli ɛnya ye sɛmɛ akũ ni, kake ye akũ, ade ye ɔsum a lemɛ nyɛ fɔtsa pupulidza a.

XXVII ɔsum a kĩ ɛkpale, kĩ efĩ adima lemɛ leláa ye akũ a nɛ Baguma boe ɔɔɛga anɛ nyɛ bibumena banɔkpabi mɔ bakunawa nɛ be kasĩ kame, kĩ bati benyɛ be akũ nɛ katinya efĩ fɔtsa kame.

II

Mitadã Bati Anɛ Mikena Fɔtsa.

^I Nwaẽ amɛ, ndɛ bati kɔ̃ bɛtɛ boɛ ɔlate Yesu Kristo, kɔ̃ ɛnyɛ kukũkpalɛ ɔlate a bido sũ ni, mitadã bati anɛ nɛ mi fɔtsa kakɛna kame.

^{II} Mifõ bɔbɔɛ foe kɔ̃ osikani sua lima wĩ akũ, edo sika lipetia, ɛya nɛ mi katsɛnakõ, ade ohiãni odi lɛmɛ do tetadiɛ kpeliwa ɛya nɛ awã a.

^{III} Ntɛ mikpalɛ anɛ mido oti a kɔ̃ edo fɔtsa wĩ, mibi ye kɔ̃, “ɔnokɔẽ, yaadzi nɛ awĩ,” lɛmɛ mibi ohiãni a kõ kɔ̃, “Naadza nɛ akĩ!” ãyɛ “Kɛna akũ kadzi nɛ ɔda nɛ yĩ abɔa kayo!”

^{IV} Ntɛ mikɛna foe lomɔ a, lokɔa foátsa kɔ̃ adzuni kpa mikɔa miadze mi fɔletsɛ, kɔ̃ miado ntsitsemu lɛmɛ nɛ mi kame?

^V Nwaẽ amɛ kɔ̃ maátunɔ kalɛ, mitse katse wĩ! Nnɛ kapau Baguma pau katinya kɔ̃ kame ahiãfo kɔ̃ bekɛna katekado kame asikafɔ, bɛna kanyakõ nɛ ode legãkanyakõ a kɔ̃ ɛlɛ eyi ɛkpa bati a kɔ̃ bawɛ ye kalɛ a kame?

^{VI} Lɛmɛ mi miasupa ohiãni! Mbɔɛɛ nnɛ asikafɔ amɛnana mi, kavɛlɛ mi kanamɛna fɔletsɛ badzɛnɛ anɛ?

^{VII} Nnɛ asikafɔ alɛ tuwuli kpa kasupa dɔ̃ wĩ a kɔ̃ Baguma te mi a?

^{VIII} Ntɛ miakɛna nɛ ode legãkanyakõ mbla a akũ ndɛ ayekɔ̃ betsele nɛ Katsɛle Kpalɛwa a kame ni, kekõ miakɛna fɔtsa wĩ. Letsa a kɔ̃ betsele a nyɛ kɔ̃, “Wɛ nɔ okɔba kalɛ ndɛ ayekɔ̃ awɛ nɔ akũ kalɛ a.”

^{IX} Lɛmɛ ntɛ miadã bati anɛ ni, miakɛna tɔkpa, ade mbla a ako mi koto ndɛ tɔkpa bakɛnanɛ a.

^X Odi nyɛ odi kɔ̃ ɛkɛna nɛ mbla a flee akũ, mɔ efum nɛ amɔapɛ akũ ni, efum te flee.

^{XI} Kitonɛkɔ̃ oti mɔapɛ a kɔ̃ ɛlɛ kɔ̃, “Tanɛ kotsõ ãyɛ kɔnyɔ liti” a, ade ye lelɛ kɔ̃, “Takɔ oti” a. Foesũ

nte otáne kotsõ ãye konyo liti malo, mo oko oti ni, ofum mbla a.

^{XII} Foesũ mile kodzela mikena fotsa nde bati kã mbla a kã yakpa boe akũ akũ kadzi a, Baguma aakoa edzemo be.

^{XIII} Kitonekã ne kadze kame ni, Baguma lelãamo okã etãmo okoba konya a konya. Leme Baguma konyakamo a lelãadzemo ye.

Mikena Fotsa Mikoa Mitsa Kã Mite Mido.

^{XIV} Nwaẽ ame, nte mi kame odi le kã edeĩ katekado mo ye lekenana lãnye katsa lomo a, nfaso wodabe deĩ ne foe kame? Ye katekado aapuli kekpa ye nkpã mbõee?

^{XV} Mifõ bõbõe foe kã boe bawaẽnyole ãye bawaẽtsale badi deĩ kã belã tilima ade belã funitsã kã banya malo a.

^{XVI} Nte otãkpa bati fotsa a kã fusĩ be a, litsa nfaso deĩ ne foe kame nte obi be kã, “Baguma ehila mi. Akũ ede mi ovio, mina funitsã minya.”

^{XVII} Ade ayea nte odi deĩ katekado mo lekenana tãbumo foe a, ye katekado a nye fotsa pupulidza.

^{XVIII} Leme odi aale kã, “Oti moa deĩ katekado, ade õbebã leme akena adzuma a.”

Yĩ mbuaye nye kã, “Nye no katekado a kã lekenana lelãa foe kame a katsa yĩ. Yĩ malo maatsã yĩ tuwĩ kakena kame ãnye yĩ katekado ntsa.”

^{XIX} Ote odo kã Baguma odi pe deĩ? Onokoali foane. Hũhũ kpa leme te bido ade bavila katila ne ye ane a.

^{XX} Okoasia ane! Awe kã ãnye ntsa no kã katekado kã lekenana wĩ tãbu ne foe kame nye fotsa pupulidza?

XXI Nde foya fomo Baguma mo boe owanyo Abraham ki enye oti ki ekpola? Fotsẽ ye lekenana kame, kitoneki ekpa ye moawe obi Isak enamena afolibo atenye akũ ki yakpa ye ebpa afolie ekpa Baguma.

XXII Mimó foe lomo? Ye katekado mo lekenana a kena adzuma fokpota, ade ye lekenana a fõ ye katekado a kpola a.

XXIII Ade Katsẽ Kpalẽwa foletsa a ya ne foe kame ki, "Abraham te Baguma edo, ade ne ye katekado sũ ni, Baguma mo ye ki enye oti ki ekpola." Ne foesũ Baguma ve Abraham ki ye okoba.

XXIV Foesũ miamo ki fotsẽ oti lekenana wi kame ade Baguma amo ye ki enye oti ki ekpola, leme fotsẽ ye katekado kame odi.

XXV Ade aye pẽpẽpẽ Baguma kona ne Rahab ki ebpa adopaa a akũ a. Emó ki enye oti kpalẽwa ne ye lekenana kame. Letsa a ki ekena nye ki ete Israelfo foto banyane a ki benabela besela tite akũ bedã a, ade ebumo be betsa osi bebã akũ bilo a.

XXVI Foesũ nde ayekĩ sukena nye fotsa kuwa nte kaweya lelãa se kame a, ade aye katekado leme nye fotsa kuwa nte lekenana lelãa foe kame a.

III

Midã Mi Semẽ Akũ Kadã Wĩ.

¹ Nwaẽ amẽ, mi kame bati pii betanya fotsa batsanẽ, kitoneki minyina ki boe a ki boatsa fotsa a ni, Baguma aadzemo boe mo osĩ mo osĩ eba bati bebã.

II Kitonekĩ boe flee bɔakena nfumusu pii. Leme nte odi táfum ne ye kɔdzela kale kame ni, enye oti kĩ ekpɔla ade yapuli kanya ye kutidu a flee akũ a.

III Bɔado ɔpɔnko sɔbɔtsae ne onukpẽ kame kĩ ekena ne boe kawe akũ, kapuli kafɔ yanaa awã kĩ bɔawe a. IV Midã ɔkolo baũ leme. Tito kĩ epone lububu, kĩ ɔwe mɔ ɔsĩ abɔa ye kanamena malo a ni, sɔbɔtsae kabii bakɔa kadanidani ye, yanaa awã kĩ ye ɔtane a awe kĩ enaa a.

V Ade aye seme leme la a. Tito kĩ sukena akũ letsa kabii sane malo a, sapia ne fɔtsa baũ baũ akũ.

Midã ayekĩ fi kabii kĩ fɔka fɔto ne lupu baũ kame apuli kapila de bubloo!

VI Seme la nde fi. Seme dzẽ nde katinya kĩ tɔkpa kakena te ke kame. Ne sukena akũ fɔtsa a flee kame ni, seme ado oti mɔa a flee tuduli, kado fi ne bati kadzi kame mɔ kĩ futo Abonsam fi luwotu kame a.

VII Batidziwa apuli kadɔla bayae, ade bapuli kadɔla lupu kame bayae kpa, kɔvɔlabi, bayae kĩ baboli ne tite mɔ kɔfɔabi leme a.

VIII Leme seme kɔ odima lelãapuli edɔla se. Seme nye letsa kpa kĩ odima lãpuli kadɔla, ade otsonu kĩ yakɔ bati yi se kame tetete a.

IX Bɔakɔa seme kamu boe ɔlate mɔ ɔlega, se mɔape a bɔakɔa kadumu oti kĩ Baguma bɔa ne ye mɔawe kutidu akũ.

X Onukpẽ mɔape a kame nhila fɔletsã mɔ fudumutsa flee ane kato. Nwaẽ ame, ketãne kĩ fukĩ fona lomɔ!

XI Mui wĩ mɔ ledeme mui aapuli bene ne lowɔke mɔa kame?

^{XII} Nwaẽ amε, ato kutse aapuli kuwũ gowa babi, ãye akateleku aapuli ewũ ato babi, mbɔεε? Ade aye mɔ ledeme mui lowoke leláapuli lenye mui wĩ a.

Nyansã Kĩ Eto Ode.

^{XIII} Mi kame oweɪ nye nyansãni, kĩ yanu fɔletsa kayɔ? Ekɔa ɔbla wĩ enye foe etsa ne ye lɛkenana kame, ne akũ kadɔla kĩ kito nyansã kame.

^{XIV} Leme nte lineke kanɔ, kawũnaba mɔ yĩ odi fude fɔle kaweya deĩ ne mi tɔwɔle kame ni, mitama fɔvã ne ɔnɔkoali a akũ, mipia ne mi nyansã akũ.

^{XV} Nyansã kĩ odu táto ode, mbom katinya kame ade yanε, enyé hũhũ kame ade, hũhũ kpa kame eto.

^{XVI} Awã kĩ lineke kanɔ mɔ yĩ odi fude fɔle deĩ ni, ade awã ɔtutũ mɔ tɔkpa tidi nye tidi kakena ana a.

^{XVII} Leme nyansã a kĩ eto ode a, ye letsa a kĩ lenya lotɔ nye kĩ ye akũ kpale, yawε lukudɔ mɔ akũ kadɔla, edeĩ sɛmε kale, kakena towaẽ, yafɔ banu oti kayɔ, yamɔ kɔnya, ade yawũ babi wĩ a. Yaádã oti anε, ade yaákɛna anε kame keke fɔtsa a.

^{XVIII} Bati a kĩ balɔla bati kayite ni, badu fudutsa ne lukudɔ kame, ade foe babi nye nkpã wĩ kadzi a.

IV

Mitakɛna Tɔkɔba Mɔ Katinya Kame.

^I Litsa avɛle kawũ mɔ ɔdze kado ne mi kame? Nné mi sukɛna fowetsa kpa a kĩ fɔano mɔ a mi kame futo?

II Miawe fotsa a kī foako mi odo, leme miláapuli mina foe, ne foesū miawe kī miako oti. Ane ayoola mi mo osi mo osi ne fotsa akū, leme mi awe tata foe, ne foesū miawe sowā kano kawū. Miána letsa a kī miawe a, kitonekī miavía Baguma.

III Nte mivia Baguma fotsa ni, miána foe, kitonekī miavía foe mo adzuni kpa. Miavía fotsa a kī miakoa mido mi moa odi akū kawole.

IV Mi bati kī miádi onokali! Minyina kī nte miboe katinya kame tokoba ni, mikena mi akū Baguma bakesine? Foesū odi nye odi kī yawe kī yanya katinya kame okoba kena ye akū Baguma okesine.

V Miakona kī pupulidza betsele ne Katsеле Kpalewa a kame kī, “Hühū a kī Baguma do ne boe kame a ano mo boe sukena fowetsa a lineke.”

VI Leme Baguma amo boe konya pii, nde ayekī Katsеле Kpalewa a le kī, “Baguma asua bati a kī bata akū osi, leme yamo bati a kī badola be akū a konya.”

VII Ne foesū mifone mi akū awe mikpa Baguma. Misua Abonsam osi, lokoa yaalo ne mi sekē.

VIII Mifuāmo Baguma, lokoa ye malo yaafuā mi. Mi tokpa bakenane, mivole awe! Mi ane kame keke fotsa bakenane, mikpale mi towole kame.

IX Miwo oblo, mite kaloe, mibe leme. Mifō mi kameme kedani ayoloho kabe, mi kawolekamō leme kedani oblo kawo.

X Midola mi akū ne boe Olate ane lokoa yaadela mi ne ode.

Mitadzemo Mi Bawaē Kristofō.

XI Nwaẽ amɛ, mitale fɔletsɔ kɔ fɔtáfeta nɛ mi akũ akũ. Odi nyɛ odi kɔ yalɛ fɔletsɔ kɔ fɔtáfeta nɛ ye ɔwaẽ okristoni akũ, ãyɛ yadzɛmɔ ɔwaẽ ni, yalɛ fɔletsɔ kɔ fɔtáfeta nɛ mbla a akũ, ade yadzɛ mɔ mbla a. Ntɛ ɔdzɛmɔ mbla a ni, obuki ɔnyé oti kɔ yakɛna nɛ mbla a akũ, mbom oti kɔ yadzɛmɔ mbla a.

XII Baguma odi nyɛ mbla a ɔkpane mɔ ye fɔletsɔ ɔdzɛnɛ. Ye odi keĩ aapuli ɛkpa nkpã ãyɛ ɛwɔla ye. Owei anɛ kɔ adzɛmɔ nɔ ɔkɔba?

Kɔdɛ Nɛ Kukũpia Akũ.

XIII Finyaa mitse, mi a kɔ mialɛ kɔ, “Nviã ãyɛ kunya bóanaa ɔmato kpale kɔ ãyɛ okɔ a kame, budzi nɛ awã kateli mɔa bɔnya kɔyaato bɔna nfasɔ.”

XIV Minyína ayekɔ mi nkpã aana nɛ kunya kame malo! Mi nkpã, litsa yanɛ? Mila ndɛ luflututu kɔ laka kako nɛ lɔko lukũ kame kabuki kayɛla.

XV Letsa a kɔ kɛnɛ kɔ mialɛ nyɛ kɔ, “Ntɛ boɛ Baguma tunɔ mɔ budeĩ nkpã ni, bóakɛna fukɔ ãyɛ fukɔ nɛ akɔ.”

XVI Lɛmɛ finyaa miata akũ kapia akũ. Akũ kata kɔ fleɛ nyɛ tɔkpa.

XVII Foesũ odi nyɛ odi kɔ enyina tuwɔ kakɛna mɔ yaákɛna te ni, fɔnyɛ tɔkpa fɔkpa ye.

V

Kɔdɛ Kɔ Bɛkpa Akũ Bananɛ.

I Finyaa mi a kɔ mideĩ akũ a, mibe, mibɔa fɔwɔla nɛ lubo kamɔ a kɔ laya nɛ mi akũ a sũ.

II Mi akũ kana fɔtsa a titi, ade fupuka ba mi tetadiɛ a.

III Mi sika ngbã mɔ sika owoe dzi nkandɔlɔ, ade nkandɔlɔ kɔ̃ aadi adansiɛ etia mi, ɛba mi sukɛna ndɛ fi aye a. Mikpɔta akũ kana fɔtsa miyi akũ nɛ fuwi nkaɛ kɔ̃ kame.

IV Lɛmɛ midã! Mitãse bati a kɔ̃ bɛkɛna adzuma nɛ mi fɔba kame a kɔtɔ kudima. Mitse be kabe! Kɔtɔ a kɔ̃ misisi mitãse apaafɔ a kɔ̃ bɛnɛ fɔba bɛkpa mi mi a lamɔ mi onukpɛ katsua mɔ fowɔla. Bati a kɔ̃ bakpɔta mi fɔba kame fudutsa a kabe wo boe ɔlate Asafu Yehowa atɔ kame.

V Mikɔa fɔtsa a kɔ̃ fɔate kɔya mido mi akũ kawɔle beblebee, midɔli ndɛ bayɛ aye mikpa luwi a kɔ̃ baako mi a.

VI Mikó oti wĩ a kɔtɔ, ade titɔ kɔ̃ etápili mɔ mi malo a, mikɔ ye.

Mina ɔwɔle bɔɛɛ, Mikaabɔa Mpaɛ Lɛmɛ.

VII Foesũ nwaɛ amɛ, mina ɔwɔle bɔɛɛ kɛnaawo lɔkɔ a kɔ̃ boe ɔlate a aaya. Midã ayekĩ okuani a kɔ̃ edzi yadzɔle funitsã mɔ kɔya a kɔ̃ ye tite akpa a, ana ɔwɔle bɔɛɛ kadzɔle oni kako nɛ kanɔde mɔ kɔtse lɔkɔ.

VIII Mi malo kɛnɛ kɔ̃ mina ɔwɔle bɔɛɛ lɔmɔ, mido ɔwɔle, kitonɛkĩ boe ɔlate kaya luwi a wo ɔtɔ liyua.

IX Nwaɛ amɛ, mitakɔa mi ɔhau mite nɛ mi bawaɛ akũ mɔ Baguma aadzɛmɔ mi. Midã ɔdzɛnɛ a dzɛ nɛ onyukpɛ!

X Nwaɛ amɛ, mikai Baguma onukpɛ banyɛnɛ a kɔ̃ bide letsã nɛ boe ɔlate dĩ akũ a akũ. Mifɔ̃ ayekĩ bido ɔwɔle bɛmó lubo a fɔnya nfantuhũ fɔkpa mi.

XI Bɔabu bati kɔ̃ bado ɔwɔle nɛ lubo kamɔ kame kɔ̃ kawɔle bati. Minu ayekĩ Hiob do ɔwɔle, mɔ letsa a kɔ̃ Baguma kɛna ɛkpa ye nɛ kawũna kame

a. Oti foletsa api boe ɔlate a ne seme, ade yamo oti konya a.

XII Nwaẽ ame, yĩ kale titiliwu nye kĩ mitatani fotsa ne nhihie adi kakena kame. Mitatani ode, iye tite, iye letsama. Nte kale a nye ɔnokɔali ni, mile kĩ, “Oo”, nte kenyé ɔnokɔali ni, mile kĩ, “Oowo”, ayekĩ Baguma leláako mi koto.

XIII Nte mi kame odi deĩ ne ɔhau kame ni, ebɔa mpae ekpa Baguma. Nte kawole de mi kame odi ni, esã tɔno emu Baguma.

XIV Nte mi kame odi aso ni, eve asoli banokɔẽ a beyaabɔa mpae bekpa ye, lokɔa betsela ye kugua ne boe ɔlate a dĩ akũ.

XV Mpae kĩ bobɔa ne katekado kame a, aafõ ɔsone a lesae. Boe ɔlate a aafõ ena akũ ɔsĩ, ade nte ekena tokpa tidi malo ni, Baguma aakɔa ete ye.

XVI Ne foesũ mibinya mi tokpa kame mitsa mi akũ akũ, mibɔa mpae mikpa akũ, ayekĩ míana kasae. Oti kĩ edzi kpĩ mpaebo deĩ kobẽ kĩ kɔapuli kakena fotsa pii.

XVII Eliya nye otidziwa nde boe aye, ade kĩ ebɔa mpae mo ɔsĩ mo ɔsĩ kĩ oni etako a, oni táko ne tite futeli elale mo seke.

XVIII Ke liti a, ebuki ebɔa mpae ade Baguma fõ oni ko tite nye funitsã a.

XIX Nwaẽ ame, nte mi kame odi muniki ne katekado a liti, mo oti bebã buki ekpã ye eyamena ni,

XX mite ane kĩ oti a kĩ enye tokpa ɔkenane a ne osi kpa akũ, aafõ benye tokpa ɔkenane a nkpã ne wuda awe, ena ye tokpa beblebee a kakɔa kate.

Baguma Apam Vɔɛ a Tuwuli
Tuwuli: Baguma Apam Vɔɛ a Tuwuli New Testament
copyright © 2008 Wycliffe Bible Translators, Inc.

Language: (Tuwuli)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 28 Dec 2024 from source
files dated 29 Jan 2022

68df0193-2981-5275-8994-8f743fe01e5e